

فهو رد

أحمد سمير

السلام عليكم ورحمة الله وبركاته درس السادس من آآ السلسلة بتاعتتنا طبعا احنا كنا الاول اسمها اهتمام مواسم الطاعة او اهتمام مواسم الطاعات نصيحتي يعني بتغيير اسمها عشان تبقى الاسم عبر اكتر على محتوى السلسلة. اه - 00:00:00

ان احنا نخليها اسمها قواعد السير الى الله تعالى الحقيقة هو ده فعلا موضوع موضوع الدروس بتاعتتنا هنا ان احنا بنزكر قواعد ما ينفعش تبقى يعني في طريقك الى الله عز وجل من غير ما تحرز هذه القواعد - 00:00:19

آآ بقى لنا دارسين في المية الحقيقة كنت اه كان مقرر اداء الدرس الثالث في النية لكن عشان بقى ما الموضوع طال يعني مع ان في كلام كتير في ان هي لسه محتاجين قوله - 00:00:39

لكن ممكن نبقى قوله بعد كده تباعا في اسناء الدروس يعني فالنهاردة هندخل على قاعدة جديدة من قواعد سير الله عز وجل وهي قول النبي صلى الله عليه وسلم من عمل ليس عليه امرنا فهو رد - 00:00:52

او في رواية تانية لم احدث في امرنا هذا ما ليس منه فهو رد ده حديث عائشة رضي الله عنها لو تفكروا يا جماعة النية احنا كنا بنتكلم بنقوس حول حديث عمر رضي الله عنه انما الاعمال بالنيات وانما لكل امرئ ما نوى الى اخر الحديث مشهور ومعرف - 00:01:05

اه وده حديث عائشة. من عمل عملا لسه ليس عليها امرنا فهو رد. ومن احدث في امرنا هذا ما ليس منه فهو رد لو جمعنا الحديسين دول مع حديث تالت حديث النعمان ابن بشير - 00:01:21

آآ ان الحال بين وان الحرام بين وبينهم امور مشتبهات الى اخر الحديث ولعلنا نقف معه ان شاء الله بعد كده التلات احاديس دول الامام احمد بن حنبل قال هذه الاحاديد الثالثة عليها مدار الدين - 00:01:32

الدين كله في التلات احاديس دول طيب ازاي الدين يعني الاحكام حلال وحرام. وده في حديث النعمان ابن بشير. ان الحال بين وان الحرام بين. طيب هتدخل تعمل حاجة في الدين. امر من امور الدين. حاجة ربنا امرك بها - 00:01:45

في ميزانيين بهما الاعمال وانت بتعمل اي حاجة في دينك في ميزانيين يا جماعة لابد اذك تزن العمل ده بالميزانيين لاني لو ميزان واحد فيهم اختل العمل ده لن يقبل - 00:02:02

ودي الخطورة الميزان الاول ميزان باطن. الميزان الثاني ميزان ظاهر ايه ميزان الباطن النية؟ الاخلاص. هو انا في العمل ده كنت عاوز ربنا ولا عاوز غير ربنا؟ مخلص ولا مراتي؟ وده في حديث عمر. يبقى تاني الدين حلال وحرام حديث ان عمر ابن بشير ان - 00:02:19

طيب دخلنا بقى نشتغل يبقى فيه ميزانيين. ميزان باطن النية الاخلاص ولا رباء يعني تحت حديث عمر انما الاعمال بالنيات وانما لكل امرئ ما نوى. وميزان زاهر الميزان الظاهر اللي هو العمل ده موافق للسنة ولا لا؟ متابع فيه النبي ولا لا؟ عليه الصلاة والسلام. وده حديث عائشة من عمل عملا ليس عليها امرنا فهو رد او من احدث في امرنا هذا - 00:02:36

ما ليس منه فهو رد طيب الميزانيين دول آآ لو لاحظنا هنلاقيهم هم ركني الشهادة الشهادة اللي بتخشن بها في دين ربنا سبحانه وتعالى في دين الاسلام هم دول الركبيين - 00:02:58

ركنين الشهادة هم الشرطين دول. او الميزانيين دول. اللي هم ايه؟ اشهد ان لا اله الا الله. وشهاد ان محمد رسول الله اشهد ان لا اله الا الله يعني لا معبود بحق الا الله - 00:03:14

فده مقتضاه الاخلاص له سبحانه وتعالى وعدم صرف العبادة لغيره سبحانه وتعالى. يبقى نيتك ربنا سبحانه وتعالى وشهادتكم ان محمدا

رسول الله وده مقتضاه. الاتباع انك لا تتبع غير النبي صلى الله عليه وسلم. يبقى لا متبوعة بصدق الا رسول - 00:03:24

الا رسول الله صلى الله عليه وسلم الركيبة الایه ؟ الشهادة وهو آآ شرطا قبول العمل الميزانيين دول ميزان باطن حديث عمر الميزان

ظاهر حديث عائشة. طيب عائشة تقول ان النبي صلى الله عليه وسلم قال من عمل عملا ليس عليه امرنا - 00:03:43

فهو رد فهو رد يعني مردود عليه غير مقبول منه فده حاجة تانية اهي تبتدي تقلقك. ايه ده! يعني انا ممكن ابقى مخلص في العمل والعمل لا يقبل ؟ اه طب انا ممكن ابقى مخلص في العمل ونيتي خير. آآ يعني انا مخلص ربنا سبحانه وتعالى ونيتي اني اعمل نيتني خير. ما نيتنيش حاجة وحشة - 00:03:59

والعمل ربنا سبحانه وتعالى ما يقبلوш ده مش بس كده العمل لا يقبل تاخذ وزرايه ده! يعني انا اطيع ربنا واحد وزرا هنقول لك لأ ما هو انت في دماغك في خيالك انك قطعت. لكن انت ما قطعتش - 00:04:22

ازاي ما قطعتش؟ ما قطعتش عشان ما اتبعتش مفهومه دي ؟ طيب ازاي ؟ تعالوا نبدأ بحديث عثمان آآ دايما انا ايه بحب ايه ادخل دخلات صادمة كده عثمان نفهم الموضوع النبي عليه الصلاة والسلام لأول مرة - 00:04:38

ثلاثة جم للنبي عليه الصلاة والسلام ما كنش موجود اسألوا عائشة عن عبادة النبي صلى الله عليه وسلم آآ عبادته شكلها ايه ؟ يعني ثلاثة يعني بعد عنه عليه الصلاة والسلام قرب مش يعني مش متابعين احواله المشرفة صلى الله عليه وسلم فاسألوا عائشة - 00:04:57

هي بنت النبي صلى الله عليه وسلم كان شكلها ايه ؟ فحكت لهم عبادته تقول الرواية فكانهم تقالوها. يعني حسوا ان العبادة دي قليلة وقالوا هو رجل غفر له ما تقدم من ذنبه. يعني راجل مغفور له. بيعبد عبادة. فقال احدهم لله علي ان اقوم فلا ارقد. هقون - 00:05:13

الليل كله مش هنام خالص طول حياتي المقال الثاني لله علي ان اصوم فلا افطر هصوم الضهر كله مش هفتر خالص وقال الثالث لله علي الا اتزوج النساء. يعني هيترهن يترك الزواج ويترهبن - 00:05:33

آآ فاتي النبي عليه الصلاة والسلام فأخبرته عائشة. والله يبقى فيه ثلاثة جم قالوا كذا كذا فقلت لهم كذا فردوها بكلها فغضب النبي صلى الله عليه وسلم قبل ما نكمل الحديث غضب النبي صلى الله عليه وسلم. يا جماعة ده الناس ده الناس قالت هنعبد ربنا - 00:05:50 تالت هنعبد ربنا واحد هيقوم وواحد هيصوم وواحد هيتجوز عشان يتفرغ للعبادة فغضب النبي صلى الله عليه وسلم غاضب ليه ؟ هي الناس دي مسلا كانت مرائية كانت آآ لا لا - 00:06:10

اماال الناس دي كانت ايه ؟ ففين المشكلة؟ المشكلة مش في البنية. المشكلة مش في الميزان الباطن. المشكلة في الميزان الظاهر اللي هو الاتباع غضب النبي صلى الله عليه وسلم وخرج وصعد المنبر - 00:06:22

الصلاوة جامعة عشان الناس تيجي. تمام اجتمعوا القوم قال ما بالوا اقوام يقولون كذا وكذا الا اني اقوم وانام واصوم وافطر واتزوج النساء. ها من رغب عن سنتي فليس مني - 00:06:34

ايهرأيكم يبقى هنا فين الشرط اللي اختلت في العبادة بتاعتكم شرط الاتباع شرط الاتباع. هنعرف بعد شوية ان الاتباع لازم يكون في حاجة من ست. الاتباع لازم يكون في ست حاجات - 00:06:50

ولو حاجة واحدة اختلت يبقى فيه مشكلة وتبقي انت كده مش مبتبع منها القدر والكيفية زي دول كده خلي بالكوا بقى عند الصحابة برضوا لكن بيتعلموا يعني لأن الصحابة عايشين وقت النبي عليه الصلاة والسلام فدول صحابة. خلاص ؟ طبعا الصحابة ما هماش كلهم درجة واحدة. لكن ما زالوا لهم شرف الصحابة - 00:07:03

وووقعوا في ده طيب يبقى احنا المشكلة هنا كانت في ترك الاتباع. مش ترك الاخلاص هم آآ يعني لم يتهموا في اخلاقهم ولا في نيتهم لكن المشكلة هنا في ان هم آآ - 00:07:24

لم يتبعوا النبي عليه الصلاة والسلام الایة التي هي اصل في الاتباع هي قول الله عز وجل قل ان كنتم تحبون الله فاتبعوني يحببكم

الله ويغفر لكم ذنوبكم هي اصلا يا جماعة في الاتباع - 00:07:39

ودي علامة فارقة نفرق بيها بين اللي فعلوا محب لربنا ومحب للنبي صلى الله عليه وسلم من المدعى عارفين يا جماعة عندنا في من القواعد الفقهية وهي حديث قوله صلى الله عليه وسلم البينة على من ادعى - 00:07:57

كتير بيسمعها. يعني ايه البيان على من الدعم؟ عارفين يا جماعة لو اي حد هياخد بدعاوه يعني واحد ماشي يقول ايه؟ والله فلان ده سرق مني فلوس. انا عاوز الالف جنيه بتاعتي - 00:08:12

لو كل واحد هيقول كلام زي ده ندي له كانت الدنيا خربت طب الشرع بيقارن ده ازاي يقول لك الباقي على من الداعية يعني انت بتدععي ان فلان ده سرق منك هات بینة - 00:08:22

والا لم تقبل دعوتك خلاص. انت كده ما عكش بینة طيب ابن القيم يقول ايه بقى زعم قوم محبة الله ما ابتلاهم بهذه الاية ناس بتزعم بتقول احنا بنحب ربنا. الناس بتقول احنا بنحب النبي عليه الصلاة والسلام. كلنا بيقول ده - 00:08:32

يعني انت لو جيت وقفت اي واحد مسلم ماشي في الشارع قلت له انت تحب ربنا؟ هيقول لك لا ما بحبوش طب انت بتحب النبي يقول لك لأ ما بحبوش - 00:08:50

كله بيزعم ده وكل يدعي وصلابليلة لا تقر لهم بذلك طيب فين بقى بینتك؟ دي دعوة والدعوة تفتقر الى بینة. فين بینتك؟ الاية دي قل ان كنتم تحبون الله - 00:08:58

فاتبعوني يحببكم الله فاتبعوني بقى في ايه؟ هنجيبيه كمان شوية ونعرف نتابع في ايه. لكن دي حاجة فاصلة اهو اللي بيحب بيتبعله حتى في قوانين الدنيا يعني تخيل كده واحد بيزعم انه بيحبك. آآ - 00:09:13

او واحدة بتزعم انها بتحبك او لو زوجة فهو بيزعم وهي يعني حد بيحب حد. واحد بيقول انا بحب حد وكل ما يأمره بحاجة يخالفه حب ايه ده ده مش صادق - 00:09:34

اللي بيحب حد بيطيعه اللي بيحب حد بيكتسي به طيب يا جماعة الكلام ده آآ يعني يمكن الدرس النهاردة ما هو انش درس ايه يعني يخاطب القلوب لكن درس مهم جدا لاني زي ما قلت لكم كده. انت ممكن تأتي باعمال يوم القيمة - 00:09:49

فتجعلها تجدها هباء منتثروا. عيادا بالله ليه؟ لانها فقدت شرط الاتباع وده شيء مرعب قلها لنا قلها لنا بالاسرين اعمالا. الذين ظل سعيهم في الحياة الدنيا وهم يحسبون انهم يحسنون صنعا - 00:10:06

بيقى انت جاي مؤمن اعمال فتجد منها اللي راح هباء منصور ليه ما كنتش مخلص فيه وده اتكلمنا عليه. تجد بقى اعمال انت متتأكد انك كنت مخلص يعني مش متتأكد يعني لكن آآ غالب ظنك في الدنيا انك كنت مخلص - 00:10:21

في هذا العمل وتريد وجه الله تجد برضه هباء منتثروا؟ انت ما اتبعتش النبي عليه الصلاة والسلام. فعلت الفعل على غير السنة وقعت في البدعة وقعت في المخالفة فتجد العمل هباء منتثروا. يا جماعة النبي غضب غضب من ناس - 00:10:34

بتقول هقوم وهصوم ومش هتجوز عشان اتفرغ للعبادة فالامر الامر مش سهل بيقى اول حاجة الاتباع دليل على صدق المحبة الاتباع دليل على صدق المحبة والامام الشافعي رحمه الله كان له قول جميل قوي في الاية دي او قول مطلق يعني بعضهم يرويه كده وبعضهم يرويه كده. ان وصله قولي عن الليث ابن سعد والليث كان فقيه - 00:10:54

ان لازم يقول اذارأيتم الرجل يمشي على الماء فلا تسلموا له او فلا تتبعوه. حتى تعرضوا امره على هذه الاية اه قل ان كنتم تحبون الله فتبيينا يحببكم الله. او في رواية بقى ان يقال الليث فلا تتبعوه حتى اه تروا اتباعه للكتاب والسنة - 00:11:25

لو وصل القول ده للامام الشافعي ان ليس بيقول كده بيقول لو شفت واحد ماشي على المية يعني ما شاء الله يعني يعني له كرامة يعني عنده كرامات واحد بيديع له من اولياء الله الصالحين وعنه كرامة ايه كرامتك انا بمشي - 00:11:48

فلما وصل القول للشافعي قال قصر والله الليث يعني ايه لأسنة ثم قال الشهيد بل لورأيتم الرجل يطير في الهواء فلا تتبعوا حتى تعرض امره على هذه الاية قل ان كنتم تحبون الله فاتبعوني يحببكم الله - 00:11:58

اه طيب الاتباع اتباع النبي صلى الله عليه وسلم سبب في دخول الجنة الحديث كل امتى يدخلون الجنة الا من ابى قالوا من يأبى يا

رسول الله كل امتی يدخلون الجنة. خلي بالكم النبي بيقول كل الامة يدخل الجنة الا من ابى الا اللي مش عاوز. اللي مش هيدخل الجنة مش هيدخل - 00:12:21

اللي رفض يدخل الجنة. قالوا له ايده هو مين يرفض يدخل الجنة؟ قال من اطاعني دخل الجنة ومن عصاني فقد ابى اللي مش هيتبع هو ده اللي قبل دخول الجنة - 00:12:42

هيبقى بوابة الجنة كده يا جماعة اتباع النبي عليه الصلاة والسلام طيب وعشان كده احنا آآ قلنا يبقى الاتباع ده شيء مهم طيب انا هتبغ ازاي؟ مش هتعرف طول ما انت جاهل - 00:12:55

لية؟ لأن الاتباع ده انت عارفين الاخلاص لما نيجي آآ نكلمك في الاخلاص يعني احنا انكلمنا في الاخلاص مسلا وفي النية المرة اللي قبل اللي فاتت كان في كلام على النية هتلاقونا كنا بنكلم القلوب - 00:13:13

احنا لازم ايه يعني نزود ايمانيتنا شوية طيب الاتباع هنكلم ايه يعني انا مخاطب القلب الحقيقة هو لكن في حاجة تانية لازم نعملها وهي ان احنا نتعلم احنا دلوقتي بنتكلم بقى العقول شوية - 00:13:23

يا جماعة لازم نتعلم ديننا ما فيش عذر عندك انك ما تعرفش دينك. ما فيش عذر عندك يوم القيمة تخيلوا كده يا جماعة يعني مسلا انا هقول لكم مسال عشان يعني تستشعر الرعب اللي احنا فيه - 00:13:36

اللي ممكن نكون بنعرض نفسنا له تخيل كده ان حضرتك وصلت مسلا او عندك عشرين سنة تلاتين سنة اربعين سنة اكتر اقل وبنتو غلط. اقصد بتتوضاً غلط يعني وضوء باطل - 00:13:51

لانه فقط الى انه فقد ركن او شرط فصار الموضوع باطل فالتبغية الصلاة باطلة انت متخيلاً انت فين يوم القيمة انا اقصد اسكت عشان متخيلاً انت هتخيلاً انك هتبيجي يوم القيمة بربنا سبحانه وتعالى - 00:14:12

فتتجد صلاة عشر سنين خمسة عشر سنة عشرين سنة الصلاة باطلة غير مقبولة هتقول لأ ما ربنا هيغفر لك هقول لك طبعاً مغفرة الله لك في علم الله. يعني انا مش مش بيان فيه ان يعني اكيد ربنا مش هيغفر لك. لكن لو انت مقصري في التعلم - 00:14:37

يعني عرفت ان في درس علم فكبرت دماغك عشان دنيا عشان اي حاجة ايوة يعني انت ما بتحضرش دروس العلم ليه؟ انا قاعد على الفيسابوك. مش فاضي انا دروس علم ايه - 00:15:00

يا حبيبي ده فيه فقه حد بيtalk في الدين. حد بيقول لك حلال وحرام. آآ انا في النادي انا على التليفزيون قاعد قدام تليفزيون ويوم يجر يوم وسنة تاجر سنة وبتكرر وبتقرب من الموت وبتموت - 00:15:11

وما عرفتش ازاي تتلوضاً لو سألك دلوقتي انا بكلمك انت ما لكش دعوة افصل نفسك كده عن الدنيا كلها. بسألوك انت دلوقتي لو قلت لك دلوقتي اركان الموضوع ايه انا مش تحدي طبعاً وما فيش حد يعني ما فيش حد هيرد لكن انا بقول آآ يا جماعة انا بوقفك على حقيقة نفسك - 00:15:28

ايه اركان الموضوع؟ عارفين ايه ركن؟ ركن يعني لو لو فقد الموضوع باطل حضرتك تعرف اركان الموضوع ايه حضرتك تعرف شروط صحة الموضوع ايه حضرتك تعرف اركان الصلاة ايه ولو نسيت ركن تعمل ايه - 00:15:45

انا بكلمك فيه دلوقتي بكلمك في عماد الدين الصلاة من اقامها اقام الدين ومن هدم من هدم الدين بكلمك في اللي النبي صلى الله عليه وسلم قال فيها العهد الذي بيننا وبينهم يعني بيننا وبين الكفار الصلاة - 00:16:07

من تركها فقد كفر انت فعلًا بنتكلم فين انت فاهم انت ممكن يوم القيمة تبقى في انهي حلة النجاة وربنا سبحانه وتعالى كده بقى مش انا بقى مش بكلمك. يعني خلي بالك احنا الاول ربنا هيضعف في ايه؟ في الفرائض - 00:16:23

انت جاي بقى ايه مؤمل في في سنن وفي وفي عمرة وفي لكن ربنا ييجي يبص كده يقول لك انت ما لكش صلاة انت صلاتك كلها باطلة. ليه يا رب؟ اصل في ركن في الموضوع - 00:16:40

انت كنتم بتعملوا غلط ما كنتوش بتعملوا اصلاً ايه ده يا رب! ده لا انا كنت بتلوظى والله لا في ركن ما كنتش بتبيجي به. طب يا رب ما كنتش اعرف. ليه ما كنتش تعرف؟ فيه فرق ما بين يا جماعة واحد - 00:16:53

ذهب ليتعلم وتعلم وفاته شيء يعني خلاص. يعني واضح لكن واحد مكبر دماغه الواحد ما يعرفش دين طب يا حبيبي تعال قرف
دين .. لأن مش عاوز اعرف دى، ده لسان حاله حتى لو قالا، بلسانه غير كده - 00:17:08

لكن لسان حاله يعني احواله كده آآ دين ايه خلينا في الدنيا عارف عارفين الكلام ده اللي هو بقى وقت الله مش عارف الكلام اللي بيتفقا، ده بعنى، فين المشكلة؟ انت. اتعلم - 00:17:24

ولذلك شوف اه مراسلنا في الزيد قال ايه ونيتهم والقول ثم العمل بغير وفق سنة لا لا تقبل وعشان بغير وفق سنتي لا تقبل دي هنعرفها ازاى بالعلم. قال من لم يكن يعلم اذا فليعلم - 00:17:39

من لم يجد معلما من لم يكن يعلم ذا آفالايه؟ فليسأل من لم يجد معلما فليرحل يعني اللي ما يعرفش يسأل وده اللي النبي عليه الصلاة والسلام قاله إنما الشفاء العاجا، انه السؤال.. حان، اسأل، - 00:17:56

طب مش لاقي حد اتعلم منه طبعاً زمان يعني يا جماعة والله يا جماعة يعني وسائل التواصل دي حجة حجة عليك يوم القيمة يا جماعة انا عااه اقها لكم حاجة بس - 00:18:17

انت انت متخييل ان حضرتك دلوقتي العلم بيجي لك وانت قاعد على الكنبة في بيتك. وانت نايم على السرير في اوضة
نهمك العلم سحـ. لغابة عنده اوعـ. تفتقـك ان الحياة السهلة دعـ 00:18:29

هتعدي كده هتسأل عن ده النبي عليه الصلاة والسلام لما خرج يوماً جعاناً موشكيل في بيته. لقى أبو بكر معدى جعاناً وشقة في بيته
لق. عم معدى نفس. الكلام الثالثة ما عندهمش أكا. فـ. البست - 00:18:40

صحابي استضافهم فقدم لهم ايه ؟ تمرومية باردة مية کده از کأنه يعني ايه بیبردوها يعني مش باردة يعني ساقعة . لا يعني کانهم ساقههها بحاجة المهم ابه بعذ شمهه کده - 00:18:57

عمال يقول لهم ايه ؟ عليه الصلاة والسلام . يقول ان هذا لهو النعيم الذي تسألون عنه يوم القيمة اشير الى قوله تعالى ثم لتسألون بهمنذ ع : النعيم . فانت كا حاجة فيها هتتسأ . عنها انت عملت فيها ايه - 00:19:10

وكبرت دماغك وليه علشان ولا حاجة. مش كبرت دماغك عshan انا مشغول بحاجة تانية لأن عshan احنا اعتدنا على ان احنا نبقى في
ميافع خانة الـلا حاجة مطفيـس: يـاهـاـغاـنا - 00:19:36

مش عاوزين نشغل دي خلاص يوم القيمة هتتسأل على ده انا ايه اللي ايه اللي جرني للحنة دي يا جماعة؟ قولوا دراسيا
الحقيقة انا مش محضر اني اقول الكلام ده بس قول الرسلان فعلا يعني لمس يعني قلبي دلوقتني. بيقول لك ايه بقى؟ بيقول لك من
لم - 00:19:49

ارحل سافر عشان تلاقي حد يعلمك دينك ده اللي كان بيحصل زمان. يعني هو وهو بيقوله هو مش آما يقصدش ان هو جامد يعني.
احنا لو ما لقيناش هنهج. لا هو ده اللي كان بيحصل - 00:18:20

واحد قاعد في قرية ما فيش حد يعلمهم دين مش هيعرف هيمشي ولو روحت اتكلموا في المسألة دي علماء الفقه بقى تكلموا اصلا في مسألة انك تعدد في مكان ما فيهوش حد لو احتجت فتوى تلائقية عشان يفتيك - 00:20:29

تكلموا في حكم المسألة دي. انت متخيل ؟ لا ده النهاردة حضرتك بيأتيك العلم من الكوكب كله في اوضة نومك وانت على سريرك في الصالون وانت على الكرسي ومadd رجليك. العلم بيأتيك من الكوكب - 00:20:42

انته متخيلين يا جماعة احنا ناس كانت فين وبقينا فين طيب السهولة واليسر ده فاكره هيعدى كده ؟ لا هتتسائل عنك عملت ايه انت
بق، لما مسكت الجهاز لو مسكت التليفون - 00:21:00

بتعاتك في الاكس كلها شكلها ايه افتح كده المهستري مسلا في اليوتيوب وافتتح المهستري في اي حاجة بقى على البراوزر بتاع التليفون بتاعك على شكلها ايه ما هي دي صحيفتك يوم القيمة. يا جماعة احنا اللي بنكتب صحائفنا دلوقتي - 00:21:17
هو انت يوم القيمة كتابك اللي هتمسكه بيمنيك ولا بشمالك ده هتلاقى فيه ايه ما هتلاقى فيه اللي حضرتك بتعمله دلوقتي دي اللي انت عاملها اللي معمول دلة في يوم القيمة - 00:21:36

شكلها ايه بتدور على ايه على هيافة انا ادا دلوقتي بقى ما يعني انا متخيل يعني الناس اللي جت هنا اللي هو عدد آقليل وانا عارف وانا عارف وعارف ان اللي هييجي كده يعني انا يعني ايه - 00:21:55
انا مش عائز ابقى واقف في الشارع اللي هو اسمه الفيسبوك ده واللي معدى لقى حاجة دخل لا فانا متخيل ان اللي جم دول مش بتكلم بقى في ان هنلاقي بلاوي يعني هنلاقي محرمات. وده مش معناه ان الناس يعني المتدينين ما بيعصييش. لا ما اقصدش - 00:22:08

اقصد ان حتى لو ده حصل ففيه استغفار منه وتوبة وندم. لكن انا عاوز انبهكم لحاجة احنا ممكن ما نناقش واحدين بالنا منها يعني حتى المتدينين اللي هي ايه اللي هي الولا حاجة دي مصيبة والله كبيرة - 00:22:23
مصيبة الولا حاجة دي انا عاوز اقول لكم يمكن اه يعني مش اعظم يعني في الميزان من الذنب. لكن اعظم في خطورتها. ليه لأن الذنب اهل الایمان قليلاً ويقلعون عنه ويستغفرون له فيغفر الله لهم. والله غفور رحيم - 00:22:35
انما الولا حاجة دي انت بتعيش وتموت في الولا حاجة بتضيع عمرك ومش حاسس انك بتعمل حاجة غلط فدي مصيبة ليه؟ لأنك مش هتتوب ولا هتستغفر. ولا هتقلع عن الولا حاجة - 00:22:51

يعني اللي قاعد على اليوتيوب مسلا ليل نهار مشغل فيديو يبتفرج على اي حاجة انا مش عاوز اقول حاجة معينة بعينها يعني لكن اي حاجة. اي حاجة مباحة مش بتكلم في حرام - 00:23:05
زمان من لم يجد معلماً فليرحل لأدّه حضرتك النهاردة العلما العلما اللي هم علماء يعني انا انا الفاظي يعني اللي ما يعرفيش بقى نتعود مع بعض على اني انا الفاظي دقّيقه جداً لما بدخل في المسائل الشرعية فانا انا فاهم كويسي قوي يعني ايه عالم ويعني ايه داعية ويعني - 00:23:17

يعني ايه طالب علم ويعني ايه واعظ ويعني ايه واحد بيحكى حواديت فنقصد العلما العلما اللي هم علماء وطلاب العلم والدعاة والوعاظ كل دول فيديوهاتهم ودوروسمهم من ايد حضرتك وحضرتك اللي سبت كل ده - 00:23:34
ورحت لضياع وقتك وعمرك هتتسأل ما تجيشه بعد كده تقول لي ان يوم القيمة والله عز وجل اعلى واعلم والله يغفر لمن يشاء. لكن يا جماعة احنا بنتكلم في يعني ايه آهل يستوون اللي راح اتعلم - 00:23:52
وعرف دينه فعل بما بما تعلم يستو يوم القيمة واللي قضاها طناش بجيّب وضوء غلط وصلاة غلط ومبهدل الدنيا مصيبة ولذلك ترك الاتباع هو طب انا احنا ليه اصلاً يعني الواحد الواحد ما يتبعش النبي عليه الصلاة والسلام؟ احنا النهاردة بنتكلم بنقول ايه؟ من عمل عملاً ليس عليه امرنا فهو رد. طب هو ليه الواحد ما - 00:24:11

حاجة من الاثنين يا اما حاجة كبيرة قوي كده مشكلة كبيرة او في حياتنا اسمها شهوة يا اما مشكلة تانية كبيرة او في حياتنا اسمها شبهة دي او دي تخليل ما تتبعش النبي عليه الصلاة والسلام - 00:24:41
اه بالمناسبة قبل ما ابتدئ الامسلة بتاعتي انا النهاردة مش جاي اتكلم في احكام فقهية. وعشان كده انا هتجنب خالص اني اكلمكم في حلال وحرام انا هكلمكم في حب او دليل حب - 00:24:55

للنبي عليه الصلاة والسلام حضرتك مسلا عرفت ان صلاة الجماعة دي كانت عند النبي عليه الصلاة والسلام انا انا قلت لكم ايه مش هتكلم في حلال وحرام وحكمها ايه واجبة ولا شرط صحة ولا مستحبة مش بتكلم في ده - 00:25:15
النبي عليه الصلاة والسلام لو انت رجل يعني مش مرأة صلاة الجماعة دي كانت عنده حاجة كبيرة جداً لدرجة ان النبي عليه الصلاة والسلام اه هو في حد بيقول لي لو ممكن الصوت يعلى شوية - 00:25:29

آآ لو لو حد تاني بس يكتب لي آآ في الشات كومنت يعني لو يعني الصوت كوييس يا جماعة ولا هي المشكلة عندي ولا عند الصوت تمام. لأنّي بقى المشكلة عندك بقى انت - 00:25:46

طيب يعني كذا حد خلاص كده كتب لي واحد. آآ ماشي هو كل الصوت آآ الصوت عنده كوييس اه انت قولي بقى اه انت عرفت لو انت رجل ان النبي عليه الصلاة والسلام صلاة الجمعة دي كانت عنده حاجة عظيمة جدا وان يكفي - 00:26:01

انت عارفين يا جماعة اخر ابتسامة اخر ضحكة. بصي يا بط عن النبي عليه الصلاة والسلام قبل موته اخر ضحكة اثرت عنه يعني ربما ضحك بعد ذلك انا اخر ضحكة مأسورة مروية - 00:26:24

النبي صلى الله عليه وسلم لما كشف اشتد به المرض جدا للدرجة ما بقاش قادر بيحصلي فكشف ستر حجرته فوجد المسلمين يصلون صلاة الجمعة فابتسم عليه الصلاة والسلام هتفوت صلاة جماعة انا دلوقتي تاني ما بقولش ايه الحكم - 00:26:42

انا بكلمك ايها المحب عرفت النبي صلى الله عليه وسلم مثلا كان ملتحي يا مربي لحيته بكل بساطة كده تقف قدام المراية وتحلق دقنك انا انا بكلم انا بكلم واحد بيحب دلوقتي - 00:27:05

خلاص زي ما قلت لكم تعامل ما تدخلش في الاحكام الفقهية وحكمها ايه وكده طيب ليه؟ ليه بقى انت عرفت ان صلاة الجمعة مسلا كده وصلاة الجمعة مش قادر يعني ايه ما - 00:27:27

اول لحية او كده او اي حاجة من الحاجات دي اجي اقول لك طب انت ليه ما بتعملش ده؟ فلو قلت بقى لو كان ربك بينك وبين نفسك مش يعني - 00:27:44

والله انا بكسلي بقى هنا ايه مشكلتك؟ ليه ما اتبعتش عشان الشهوة شهوة ايه؟ انك شهوة ادعى الراحة الانتخة يعني بتتحب تأنتخ او آآ يا فلانة انت عرفتني النبي صلى الله عليه وسلم امر بالحجاب الشرعي - 00:27:53

انك آآ انك ما تصحيش الرجال مثلا امر ان وهكذا. طيب انت ليه ما ما عملتيش ده؟ فكم ربك مسلا والله عشان شكلي بقى حلو هنا مشكلتك فين؟ شهوة - 00:28:12

خلاص؟ اه اصل شوية وقت يا جماعة مش ملتزم بشهوة يعني رجل وامرأة يعني مش دي الشهوة اللي في الدنيا. لا في شهوات تانية دي شهوة ان واحد يحب بيقى شكله حلو. دي شهوة - 00:28:27

واحد يحب بيقى الواطي للجو شهوة واحد بيحب الراحة دي شهوة المهم يعني عندنا مشكلة كبيرة قوي في حياتنا اسمها شهوة يخليلك ما تجتمعش عندنا مشكلة ثانية طب المشكلة الثانية ايه هي؟ الشبهة. يعني ايه شبهة - 00:28:37

يعني مسلا هاجي اقول لك آآ واحد بيتمسح بالاضرحة ويقعد يايه آآ يدعو الناس الميتة دي فبتيجي تقول له يا فلان انت بتعمل كده ليه فيقول لك ده ربنا قال الا ان اولياء الله لا خوف عليهم ولا هم يحزنون - 00:28:56

ده ايه مشكلته؟ ده ما عندوش شهوة دلوقتي لكن عنده شبهة فما اتبعش النبي عليه الصلاة والسلام فين شبهته؟ شبهته انه فهم اية غلط واضح؟ فدي تخليه يعمل حاجة اسمها بدعة. واكيد كلنا ايه الكلمة دي عدت علينا وممكن دلوقتي نفصل فيها شوية - 00:29:20

اه اللي وقعي؟ او ايه اللي خلاه ما يتبعش مش شهوة بقى شبهة علاج الاولى بايه وعلاج الثانية بايه عاوز ابقى متبع انا خلاص عرفت ان لازم ابقى مخلص واتكلمنا عن الاخلاص اللي ما سمعش - 00:29:37

درس الاخلاص يسمعه على اليوتيوب. مهم جدا جدا هتلاقوه باسم آآ زي ما نعمله بالنيات. ده درس الاخلاص. على اليوتيوب اه خلاص انا مخلص وده شرط اهو حققته شرط الاتباع عاوز ابقى متبع. ليه ما بتبعش - 00:29:49

عرفت ان ممكن بيقى عندي شهوة وعرفت ان ممكن بيقى عندي شبهة. طب لو عندي شهوة اعالجها بايه؟ تعالجها بانك تزود من ايمانك زود من ايمانياتك ليه كل ما يزيد ايمانك هتبتدي - 00:30:07

بيحبوا ربنا زيادة وتحط الدنيا في حجمها اللي ربنا خلقها عليه ما تعظمهاش او ما تعزمش الناس ولا رؤية الناس لك احنا درس الاخلاص حتى ساعتها قلنا ايه؟ قلنا ايه؟ ان يستوي عندي - 00:30:22

الناس والبهائم انسان شاييفك اكني ما فيش حد شاييفك. ليه انا بعامل ربنا سبحانه وتعالى انت لو وصلت للحنة دي شهوة ايه اللي هتخليك ما تتبعش شهوة ايه يبقى علاج دي انك تزود ايمانك - 00:30:33

كن من اليمان عشان كده النبي صلى الله عليه وسلم بيقول الكلام ده حتى يعني في كن من اليمان في مزيد وفي صفاء القلب ذات جديد كثرة الصلاة والطاعات وطببت مال النفس من شهواني - 00:30:50

شهوة النفس مع الذنوب موجبات قسوة القلوب. وان ابعد قلوب الناس من ربنا الرحيم قلب قاسي يبقى ده علاج الشهوة. تزود ايمانياتك. ازود ايمانياتي ازاي ؟ هو قال اهو بكسرة الصلاة والطاعات وترك مال النفس من شهواته - 00:31:01

التزود في العبادات يحضر مجلس علمي يا جماعة المجلس اللي احنا فيه ده من بركاته انك تننزل عليه السكينة وتحفه الملائكة ويذكرك الله فيمن عنده. طيب واحد دخل وهو ولا في دماغه الدرس ولا حاجة ده هو دخل - 00:31:17

وشف يعني واحد صاحبه قال له تعال فدخل تخيلوا حتى ده ربنا سبحانه وتعالى لما يغفر لاهل مجلس زي ده او غيره يعني انا مش بدعو لمجلسني. انا بقول لك يعني ده حاجة من الحاجات - 00:31:33

ده بيقول للملايكة يعني ايه اشهد اني قد غفرت لهم فتقول الملايكة هيربي فيهم فيهم فلان لم يأت الا الحاجة يوم واحد قاعد ده جاي عشان مصلحة ربنا سبحانه وتعالى يقول ايه ؟ هم القوم لا يشقى بهم جليسهم. يا الله - 00:31:45

شووفوا يا جماعة احنا بنسip صحبة شكلها ايه ونروح للصحبة شكلها ايه صحبة النواصي وصحبة مجالس العمل اللي كلها غيبة ونميمة وتنافس على دنيا وده بيكثر في النساء موضوع الغيبة - 00:32:05

دي من الكبائن يا جماعة توبة توديك في داهية وسايبين صحبة شكلها ايه بقى ؟ هم القوم لا يشقى بهم جليسهم مجرد انك تقدر في وسطهم ينالك من بركاتهم. حتى لو انت مش منهم - 00:32:23

حتى لو جاي حاجة يعني احضر لي قصة اه الشیخ آآ الشیخ الشیخ عطیہ محمد سالم رحمہ اللہ هو مصری وکان انجب تلامیز آآ الشیخ الشنقطی رحمہ اللہ آآ بدایته عجیبہ - 00:32:40

بدایته انه يا جماعة كان كان معدی ومش جاي هو ما كنش ده كان مسافر يستغل لا علم ولا درس ولا درس قعد ففتح الله عز وجل قلبه للعلم - 00:33:03

عارف ان في حاجة اسمها علم فقد وخلاص استمر في ده وبقى من من انجب تلامیز الشیخ ورحمة اللہ ده الشهوة. تعالج الشهوة ازاي ؟ زود ايمانك يبقى لو عندك مشكلة الاتباع في الشهوة - 00:33:19

لو آآ لقيت نفسك انا ما بعملش للنبي يعني بعرف ان النبي قال كذا عليه الصلاة والسلام. وما بعملوش. ففتتش لي في نفسك مش حاسس ان انا عندي القوة اني اعمله بصراحة - 00:33:38

ما انت مشكلتك في الشقة اعالجها ازاي ؟ زود ايمانك زود صلاتك ادعى ربنا قم الليل استغفر من ذنوبك وهكذا. ربنا هيفتح عليك. طيب عندي مشكلة ثانية بقى وهي شبهة ودي اخطر يا جماعة. في دی اخطرها - 00:33:49

لان صاحب الشبهة ده ما بيبقاش عارف انه غلط ودي المصيبة عشان كده العلماء لما جم يعدوا المشاكل قال لك الشيطان لما يجي يوقعك في حاجة. ودي مهمة قوي رکزوا فيها - 00:34:05

الشيطان انا انا بكرر يا جماعة كلام كتير كل مرة علشان يعني من الكلام اللي بيكرره دايما بقول لك خلي الدرس ده معلش يعني. تعال على نفسك يعني ما تخلهوش درس وانت قاعد بتاكل ولا قاعد بتنشرب ولا انت واقفة في المطبخ - 00:34:16

معلش فرغ نفسك كده شوية لان انا بحاول يبقى کلامي مرکز فالكلمة اللي بتتفوت بيفوت فيها معاني فرغ نفسك لله مش ده امجد. فرغ نفسك لله سبحانه وتعالى. فرغ نفسك لنفسك لنجاۃ نفسك - 00:34:29

الشيطان عاوز منك ايه ؟ عاوز منك انه يلبسك في حيطة يوديك في داهية اه بس هو له دركات كده يعني ايه اه مش كل حاجة زي بعضها عند الشيطان هو عايز يوقعك في حاجة ما قدرش ينقل على اللي بعديها. لو قدر يوقعك فيها مش هينقل على اللي بعديها. هيوقعك في دی - 00:34:45

الشيطان الشيطان عاوز منك ايه؟ اول حاجة وقعت في الشرك بالله. لو قعدت دي خلاص يرتاح منك. انت سبت الدين كله. فانت مخلد في النار. عيادا بالله مش انت يعني - 00:35:02

الشخص اللي هو عايزة يقع ما قدرش يوقعك في الشركة وقعك في البدع وبعدين نكمel بس عشان ايه وقعك في بدعة. لو قدر معك في البدعة هو هيفضل يلح عليك في البدعة دي - 00:35:11

ما قدرش يتنقل لبعديها لايده؟ قالوا الكبيرة ما قدرش الصغارى ما قدرش يشغلك بالمفضول عن الفاضل لازم نفهم دي الشركة واضحة البتعة بقى اللي احنا لسه بنقول عليها اللي هو انك ما تتبعش النبي عليه الصلاة والسلام لشبهة - 00:35:22

وتقع في البدع يعني ايه بدع؟ يعني تبتدى تعبد ربنا بعبادات ربنا ما يقبلهاش. يا ريت يا جماعة يا ريت المشكلة ان ربنا مش هيقبل وبس. لا لن تأثم على فعل هذه العبادة - 00:35:38

واضح طيب فشوتفتوا بقى خطر البدعة ان الشيطان عاوزها منك قبل الكبيرة لأن صاحب البدعة صاحب البدعة يبعد انه يتوب منها بخلاف صاحب الكبيرة انت لو جيت يعني انت لو جيت لواحد مسلا بيشرب خمر دلوكتي - 00:35:56

وقلت له يا فلان اتق الله هيقول لك ايه؟ هيقول لك ايه ده يعني ربنا يتوب علي. مش هيقاوهلك. مش هيقول لك ايه مش هيقول لك الخمرة حلال مسلا - 00:36:17

لأ لك يعني ربنا يتوب علي حتى لو قال لك يا عم سبني في حالى ولا مش عارف فهو عارف من جواه ان هو بيعمل حاجة غلط لكن لو جيت لواحد مسلا بيذبح لغير الله واحد بيذبح للحسين - 00:36:30

يصرف عبادة لغير ربنا واحد بيذبح للحسين مسلا وجيit قلت له حاجة ممك يقتلk ليه؟ لأن هو شايفك بتنهاه عن ايه؟ عن الدين عن دين وده يصعب بيعده انه يتوب من اللي بيعمله - 00:36:43

فهمتوا دي يا جماعة طيب وبعدين كبيرة وبعدين صغيرة اخر واحدة بس يعني نقف عليها شوية لأنها لها علاقة بالدرس اللي فات. انه يشغلك بالمفضول عن الفاضل ليه بشغلك بالمفضول على الفاضل؟ يعني خلاص يأس منك. الشيطان لا عارف يخليك تشرك بالله. ولا عارف يوقعك في بدعة ولا كبيرة ولا صغيرة. يسيبك لا ما يسيبكيش - 00:37:02

عارف يعمل لك ايه؟ يأمرك بطاعة ايه الشيطان يأمرني بالطاعة؟ اه يأمرك بالطاعة. ده لو يأس منك يعني خلاص؟ ولو نجح في دي بيقى نجح في حاجة ازاي امي بطاعة؟ يأمرك بطاعة عشان تسيب طاعة تانية اكبر - 00:37:20

واთوب ودي مش اي حد ينجو منها يا جماعة.انا وجيit قلت لك النهاردة طبعا دي مش الكلام مش لنا احنا لأن احنا ناس غلابة. لكن لكن تعال كده الدقيقة دي الاحسن تعمل فيها كزا ولا كزا - 00:37:34

وكمان ساعة من دلوكتي للاحسن تعمل كزا ولا كزا ووقت الشروق الاحسن تعمل كزا ولا كزا ولا كزا. عبادات عمال احكي لك عبادات. هتخтар ايه؟ ما هو الوقت ضيق - 00:37:49

يعنى كل وقت ما يسعش كل حاجة دي مين اللي ينجو منها؟ ده لازم بقى واحد وصل لمરتبة في العلم انه عارف كل وقت ايه اللي يتمعمل فيه؟ ودلوكتي ولذلك يا جماعة الصحابة فهموا دي - 00:38:01

ولذلك تجد كتير السؤال ده يقارن ما احب الاعمال الى الله ده سؤال واحد فهم حاجتين اول حاجة فهم ان اه ان عمره قصير ان الوقت قليل وده اتكلمنا عليه المرة اللي فاتت - 00:38:16

اللي عاوز يغتنمه باكتر قدر ممكن عشان يخرج باكتر ريح تاني حاجة فهم اللي احنا بنقوله دلوكتي ان انا مش عاوز انشغل بمفضول عن فاضل انا عاوز احسن حاجة ما احب الاعمال الى الله؟ انا عاوز احسن اعلى حاجة - 00:38:30

عشان اما اعملها اخد اكتر سواب فهمتوا دي نرجع تاني للاتباع بقى. ايه اللي بيخليك ما تتبعش؟ شهوة علاجها الایمان تزود ايمانياتك شبهة علاجها انك تتعلم دينك تتخلص من شهوة من الشبهة فترجع الى حظيرة الاتباع - 00:38:45

رجعت بقى الى حظيرة الاتباع نرجع بقى للحديث كل امتى يدخلون الجنة الا من ابي. يبقى انت كده ماشي في سكة دخول الجنة. لانك متبع للنبي عليه الصلاة والسلام خلي بالكم - 00:39:07

الشيطان لما ييجي يوعلك في البدعة او او ييجي يعني ينال من حته الاتباع دي مش كلنا زي بعض ده ممكن يخليك يعني انت كان الواحد دلوقتي في دماغه دايما التفريط يعني ايه ؟ ان هيقدرني عن العبادة - 00:39:21

هيا اصرفني عن الطاعة لأ ده ممكن العكس ممكن العكس يخليك تزود والزيادة دي تبقى هي اللي غلط زي التلاتة اللي بيقول للنبي عليه الصلاة والسلام. هي مشكلته كانت فين ؟ قالوا يعني قالوا ايه ؟ انا مش ها قوم الليل والثاني قال انا مش ها صوم خالص والثالث قال انا ها قضيها آزاوج - 00:39:36

لأ ده قالوا العكس دول زودوا ولذلك انت لازم تبقى عارف بقى الحدود الحدود انا هقف فين وايه اللي مسموح لي فيه اني ازود وايه اللي مش مسموح لي فيه اني ازود ولو زودت هتبقي مشكلة والمشكلة دي - 00:39:56

انا بكرر بقى الكلام ده مهم. مش المشكلة ان انا مش هيقبل العمل بس. يا ريت كانت على كده يا ريت كانت على كده. ده دي هتبقي مصيبة تانية ان انت ضيعت وقت على الفاضي. لكن يا ريتها تقف على كده. لأ - 00:40:10

ده هيبقى علي. يعني هي يوم القيمة الاقي العمل ده في ميزان سينائي ليه ؟ لاني تركت الاتباع فخرجت عن حدود السنة الى حدود البدعة دي يا جماعة في علاجها بالعين - 00:40:22

طيب يعني احنا نعمل ايه ؟ من الاخر كده. عشان ما نطولش بقى من الاخر نزود ايمانا بايه زي ما قلنا بالطاعات بحضور حلقة الذكر ومجالس الوعظ ومجالس التذكرة بالله عز وجل - 00:40:40

يكون لك كده ورد ثابت قرآن ورد ثابت سمع دين ربنا سبحانه وتعالى اللي هي مجالس الحاجات اللي بتتمس القلوب تخلص من حته الشهوة دي تاني حاجة تتعلم دينك بقى. ودي مجالس علم، دي مجالس تانية خالص - 00:40:57

خلي بالكم في مجالس تانية خالص غير اللي احنا بنعمله هنا ده في مجالس علمي بقى. يعني تعرف انا ازاي اتواضا ازاي اصلبي ؟ ازاي اصوم ؟ احنا ان شاء الله هنببدأ في الدرس ده - 00:41:13

يعني مم يعني انا كل مرة كنت بقى ايه مرتب اني ممكن اخد في الاخر عشر دقايق ولا حاجة نتكلم ازاي ازاي تتوضى ازاي تصلي. بعد كده ندخل في فقه الصيام عشان رمضان - 00:41:25

ده كله فرع واحد من فروع الدين. كل مربي عاوز كده والدرس بيأخذنا بس لعله خير واحد من فروع الدين بنسميه ثقة ندخل بقى في العقيدة ايه هو مين مين ربنا ده سبحانه وتعالى - 00:41:35

وايه صفاته وايه اللي يجوز عليه وايه اللي يتمتع في حقه سبحانه وتعالى مين هو النبي ؟ عليه الصلاة والسلام. وايه حقوقه علينا ؟ مين هم الملائكة آآ ايه هو القضاء والقدر - 00:41:48

ايه الجنة والنار ؟ دي يعني الغيبيات يعني ؟ ده ده فرع تاني في الدين. نسميه فرع الاعتقاد. فتعرف عقيدتك بالمناسبة الفرع ده بيرد على تلات اسئلة مصيرية في حياتك في حياة اللي بجد مش الحياة دي - 00:42:04

حياتك اللي بجد مش دلوقتي. احنا يا جماعة احنا في حلم الحلم احنا نايمين وبنحلم ما تصحي على فين على الحياة الحقيقية اللي هي جنة ونار وخلود هي دي حياتك - 00:42:23

وربنا سماها كده سماها الحيوان. يعني الحياة الحقيقة. ماشي ؟ وان الدار الاخر لهي الحيوان يعني الحياة الحقيقة ايه اهم تلات اسئلة بقى يهموك على الاطلاق من ربك ما دينك ماذا تقول في الرجل الذي بعث فيكم - 00:42:38

دول تلات اسئلة خالص التلات اسئلة دول من ربك ؟ ربى الله. ما دينك ؟ ديني الاسلام ؟ ما تدخل في الراديو لازم بوحشة فيه ؟ التلات اسابيع دول هتسألكم انت هتسألكم في القبر - 00:43:01

انا مش مش هطول في الحلة دي لكن هقف على لفظ في الحديث ده يمكن كثير ما ياخدش بالله النبي صلى الله عليه وسلم قال اما المؤمن فيقول ربى الله دين الاسلام والرجل الذي بعث فينا هو محمد عليه الصلاة والسلام - 00:43:12

اما المنافق او المرتب فيقول الكلمة اللي جاءية دي انا اللي هقف معها بس. فيقول ها ها لا ادرى سمعت الناس يقولون شيئا فكتبت اقول ها ها يعني عاوز تقول ايه - 00:43:24

اقول لك رايح امتحان خلاص انت طالع امتحان مذاكر المنهج ما عدا حبت في المنهج. مش ما تعرفوش اصلا انت دخلت الامتحان فلقيت مسلا اربع اسئلة من الحبة اللي انت مذاكرها حليتها ولقيت سؤالين مش من حبة المذاكرة فطبعا زعلان انك ما عرفتهاش خلاص كده؟ انسى السيناريyo لا سيناريyo تاني بقى - 00:43:42

حضرتك مذاكر ورحت الامتحان ودخلت ولقيت سؤال السؤال ده تمسمكه لكن نسيته انهي حصرة اكبر؟ حسرتك وندمك على اللي انت ما زاكروش ولا ندمك وحسرك وتبقى متضايق اكتر لو حاجة مذاكرها ونسيتها - 00:44:06

الثانية اللي هو بتقعد بقى ايه يعني ده انا مذاكره هي دي كلمة هاء هاء. يا جماعة اللي مش هيجاوب ده مش واحد ما يعرفش الاجابة اللي مش هيجاوب واحد معش بالاجابة - 00:44:27

الاجابة مش سابتة فهمتوا دي الرجل ده بيقول كانه عارف حاجة كأنه سمع حاجة اصلا في يوم من الأيام لكن ما عاشهاش ما كتش قضية حياته اصلا - 00:44:45

ازاي بقى نجاوب على التلات اسئلة دول تبقى قضية تبقى قضيتك؟ انت قايم نايم بتحلم بدينك بتحلم التلات اسئلة دول. هو ده الامتحان الحقيقي يا جماعة لو عندك انترفيو ولا عندك امتحان سانوية عامه ولا - 00:45:04

يعني حاجة مصيرية في الدنيا يعني يتوقف عليها حاجة كبيرة في حياتك في الدنيا تخيل احوالك واضطراب قلبك وقلبك بيدق يا جماعة ده فيه تلت اسئلة مرعبين هيتسأوا لنا وفي ناس هتقولوا ها ها في ناس هتبقي عارفة الاجابة بس مش فاكرها - 00:45:22
عش للتلات اسئلة دول طيب بيقى عندك مجالس علم بقى لازم يبقى لك مجالس علم تسمع مجالس علم تسمع فقه. تسمع عقيدة اقل شيء ما لا يسع المسلم جهله. انا مش بقول لك تبقى عالم. مش بقول لك تبقى طالب علم. مش كل الناس مطلوب منها ده - 00:45:42
لكن على الاقل ما لا يسع المسلم جهله ما ينفعش ما تباقاش تعرف تتوضا ولا بتعرف تصلي ولا بتعرف تصوم ولا عارف ايه هي مبطلات الصوم هو انا عارف ايه هي مبطلات الصلاة - 00:45:58

ما ينفعش. ما ينفعش مسلم يبقى مش عارف ده. ومع يعني انا مش بكلم بقى الناس الكبيرة اللي ابتدى الشاي باظهر عندهم زي حالاتي كده. انا بكلم كل بالغ يعني لو حضرتك ولا حضرتك عندك اتناسخ سنة وتلناسخ سنة وبلغت او ناهزت البلوغ قربت تبلغ لازم تعرف حاجات انا بقولها دي - 00:46:08

مش رفاهية مش رفاهية يعرفوا على اي قول حتى لما نيجي نبتدى ننشر فقه. هنرد على قول. الفقه مليان اقوال. طيب مش عاوز عرفنا ازاي نعالج. اخر حاجة بسرعة في دقائقين هقولها - 00:46:27

نتكلم عن البدع يا جماعة ودي برضو اللي علينا نتكلم عنها بعددين بس هيبي بعد رمضان لو يعني ايه قدر الله عز وجل ذلك بلاش ندخل في خنافقات في موضوع البدع دي في الحاجات اللي وسعت السلف - 00:46:40
يعني ايه يعني الفقهاء فيه مسائل كتير جدا بيختلفوا فيها في حكمها ممكن يوصلوا لواحد يقول ان هي مشروعه والثاني يقول غير مشروعه يعني عكس بعض تماما فاللي هيقول لك ايه المشروع ممكن يقول لك انه بيعة. واللي هيقول لك انها مشروعه يقول لك اعملها - 00:46:52

وهو خلاف بين السلف ووسعهم فليسعنا الخلفانية سعنـا يعني اعملها ولا ما اعملهاش؟ انت خد بقول من تسق في علمه ودينـه لكن بلاش تنكر بلاش تنكر يعني بلاش تلاقي واحد بي عمل فتقـول له انت جاـهل وما بتفهمـش حاجة. لغاـية ما تتعلمـ دينـك كله على بعضـه كده وتبـقـي فـاـهم رـتـبة الـخـالـفـ في المسـأـلة ديـ. يـنـفع انـكـرـ فيهاـ ولاـ ماـ يـنـفعـشـ لـانـ مشـ كلـ - 00:47:08

فيـهاـ خـلـافـ يـنـفعـ تنـكـرـ فيهاـ ولاـ كلـهاـ ماـ تـنـكـرـشـ ديـ مـسـائـلـ كـبـيرـةـ بـسـ دـهـ مشـ وقتـهاـ. بـسـ اـناـ بـقـولـهاـ عـشـانـ بـتـعـملـ مشـاـكـلـ عـنـدـ النـاسـ ماـ اـظـنـشـ فيـ اـسـئـلـةـ النـهـارـدـ اـهـ طـيـبـ - 00:47:27

نـقـفـ هـنـاـ وـبـحـمـدـكـ نـشـهـدـ انـ لـاـ الـهـ اـلـاـ اـنـتـ اـسـتـغـفـرـكـ وـنـتـوـبـ الـيـكـ. السـلـامـ عـلـيـكـ وـرـحـمـةـ اللـهـ وـبـرـكـاتـهـ - 00:47:39